



# Klíma Istrému

Alterasons klímátiku pode piora y faze klíma istrému más frikuenti, u ki ta kauza firimentus, duénsas y danus matirial. Klímu istrému pode kauza danus na infrastrutura sima ilitrisidadi, sirvisus di isgotu, abastesimentu di águ y stradas. Insidentis di envenenamentu pa monóxidu di karbonu é kumun dipôs un iventu klímátiku istrému ki ta interonpe forneshimentu di inerjia ilétriku, pamodi utilizason inadekuadu di jeradoris, akeshedoris di konbuston y aparélhus di kuzinha.

Klímas istrému pode tanbê kauza riskus fíziku y ditritus. Bentu fórti pode provoka keda di árvrís y postis tilifóniku, ditritus vuadoris y linhas ilétriku kaídu duranti tenpestadis, u ki ta rizulta na firimentus ô iletrokuson. Ditritus na águ di txeia y stradas inundadu tanbê pode kauza firimentus y asidentis ku veíkulus di mutur.

## Kenha ki sa ta kore más risku?

Alguns pesoas pode sta más na risku duranti klímas istrému pamodi lokal undi ki es ta mora, ses asésu a informason ofisial di guvernu, dispunibilidadi di rikursus pa es pripara y riaji, y si dja es tene problémas di saúdi. Kel-li ta inklui:

- Kriansas ku ménus di 5 anu y pesoas ku más di 65
- Pesoas ki ta mora es só
- Pesoas grávida
- Pesoas ku mobilidadi riduzidu
- Pesoas ki sa ta uza ikipamentus médiku ki ta meste di inerjia ilétriku ô medikamentus ki ta meste di rifrijason
- Trabadjadoris di sirvisus públiku
- Trabadjadoris di Salvamentu
- Pesoas ki ta fala poka ô nada di inglês ki pode ka resebe mensázens di imerjénsia na ses língua maternu
- Pesoas ku duénsas króniku ki ta meste di kuidadus frikuenti
- Pesoas ku sistéma imunitáriu kunprumitidu

## Kuzé ki nu pode faze?

- [Faze un planu pa tenpestadis](#)
- [Kria un kit di imerjénsia](#)
- [Konxe bus zona di txeia y di sobri-elevason](#)
- Ten un planu di ivakuason y sabe kenha ki bu pode kontakta pa resebe ajuda
- Instala ditetoris di monóxidu di karbonu y di fumu na bu kaza y testa-s rigularmenti





# Klíma Istrému

- Faze un planu ku antisidénsia si bu ta uza un jerador - po-l na ar livri, peluménus 6 métru di distánsia di kaza
- Linpa nevi y/ô ditritus di aberturas di ventilason di fornu a gás y di sekador y di tubu di iskapi di bu karu
- Sai di kaza y txoma 911 si bo ô bu família sa ta aprizenta kes sinal di envenenamentu pa monóxidu di karbonu:
  - Tonturas ô sonolénsia, náuzias ô falta di ar
- Faze planu pa kortis di inerji:
  - Bu meste di iletrisidadi pa ikipamentu médiku ô medikamentus
  - Organiza vizitas pa txeka ben-istar, ku un amigu, vizinhu

